



Broj: 05-50-1-861/14
Sarajevo, 8.5.2014. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 12.05.2014			
Organizacioni broj	Klasifikacioni znak	Redni broj	Broj prijema
01-50-1	15-69	14	14

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 93. sjednici održanoj 8.5.2014. godine, utvrdilo je Odgovor na zastupničko pitanje koje je postavio Lazar Prodanović, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-861/14
Sarajevo, 8.5.2014. godine

Lazar Prodanović, poslanik u Predstavničkom domu Parlamentarne skupštine Bosne i Hercegovine na 64. Sjednici Predstavničkog doma održanoj 13.03.2014. godine, postavio je sljedeće poslaničko pitanje:

„Kada će Agencija za lijekove i medicinska sredstva konačno implementirati Pravilnik o načinu kontrole cijena, načinu oblikovanja cijena lijekova i načinu izvještavanja o cijenama lijekova u BiH (Službeni glasnik BiH, broj 82/11), a na osnovu uputstva za nosioce dozvola za stavljanje lijeka u promet, u vezi sa usklađivanjem veleprodajnih cijena lijekova, koje je Agencija objavila u februaru 2013. god sa više od dvije godine zakašnjenja. NedoVOLJIVI su pritisci farmaceutskih lobija, a prema nekim informacijama navodno i nekih osoba iz ministarstava zdravlja na odlaganje implementacije Pravilnika formalnim primjedbama na sadržinu Pravilnika koje su tehničke prirode i koje u suštini ne bi smjele odložiti njegovu primjenu. Smatram da nepoštivanjem ovog Pravilnika građani u BiH, a i fondovi u ime njih plaćaju najviše cijene lijekova u Evropi. Zahtjevam da me obavijestite koje su sankcije primijenili farmaceutski inspektori prema onima koji nepoštuju ovo uputstvo. Molim vas da mi odgovorite zbog čega je blokiran rad Komisije za lijekove čime se onemogućava registracija novih lijekova u BiH.“

Na postavljeno pitanje Vijeće ministara Bosne i Hercegovine je na 93. sjednici održanoj 8.5.2014. utvrdilo slijedeći

ODGOVOR

Činjenica je da se Agencija za lijekove i medicinska sredstva BiH u procesu implementacije važećeg Pravilnika o cijenama (Službeni glasnik BiH broj 82/11) susreće sa pritiscima i otprom pojedinih proizvođača i veleprometnika, prvenstveno zbog njihove bojazni da bi implementacijom pomenutog Pravilnika moglo doći do ugrožavanja njihovog egzistencijalnog statusa, u slučaju snižavanja cijena lijekova na tržištu BiH.

Kao što ste i naveli, izmjene važećeg Pravilnika su tehničke prirode i ne bi smjele odlagati primjenu istog, ali se upravo predmetne izmjene i njihovo neusvajanje od strane Savjeta ministara BiH u mnogim situacijama koriste za manipulaciju i odlaganje ove aktivnosti, kroz različite, već pomenute pritiske.

Nažalost, usvajanje izmjena predmetnog Pravilnika još uvijek čeka na Savjetu ministara, odnosno još uvijek nije uvršteno kao jedna od tačaka na nekoj od sjednica Savjeta ministara. Ovim putem apelujemo i na poslanike da svojim autoritetom utiču na rješavanje ove, od posebnog značaja problematike za sve nas građane BiH. Agencija sprovodi redovne aktivnosti kada je u pitanju, uputstvom utvrđena dinamika obračuna maksimalnih veleprodajnih cijena lijekova, a rok za obradu podataka i objavljivanje izračuna je 03.05.2014. godine.

Nakon pomenutog datuma, inspekcija Agencije kreće u aktivnosti provjere poštivanja ovog podzakonskog akta i u slučajevima kršenja propisa, izricanja zakonski propisanih kaznenih mjera.

Rad Komisije za lijekove je blokiran zbog nemogućnosti dogovora oko izbora predsjednika i zamjenika predsjednika ovog tijela Agencije na sjednici Komisije (na pola održanoj), održanoj 06.03.2014. godine.

Zbog nemogućnosti imenovanja predsjednika i zamjenika predsjednika Komisije za lijekove po isteku četverogodišnjeg mandata, te posljedično neodržavanja sjednica Komisije, Agencija je sada došla u nezavidnu situaciju i blokadu gdje nas farmaceutske kompanije sve više prozivaju zbog navedene situacije i nerješavanja njihovih predmeta, što može imati dalekosežne posljedice i zasigurno nanijeti veliku štetu proizvođačima.